



**FAKULTET  
POLITIČKIH  
NAUKA**  
UNIVERZITET U SARAJEVU  
MCMXLIX

A Skenderija 72, 71000 Sarajevo, BiH

M dekanat@fpn.unsa.ba

W www.fpn.unsa.ba

T +387 33 203 562

F +387 33 666 884

## **Saopćenje u povodu napada na Odsjek Komunikologija/Žurnalistika i šeficu Odsjeka prof. dr. Lejlu Turčilo**

U povodu učestalih, neosnovanih i neargumentovanih napada na Odsjek Komunikologija/Žurnalistika i šeficu Odsjeka prof. dr. Lejlu Turčilo, menadžment Fakulteta političkih nauka Univerziteta u Sarajevu iskazuje punu podršku svim članovima Odsjeka na čelu sa prof. dr. Turčilo.

Na Odsjeku Komunikologija/Žurnalistika rade časni i odgovorni profesionalci, koji već 45 godina obrazuju novinare i PR stručnjake, ugledne članove bosanskohercegovačkog društva i kao Fakultet ne možemo dopustiti da se rad tih ljudi, njihova naučna i nastavna postignuća negiraju, nipodaštavaju, te da se članovi Odsjeka, prije svega prof. dr. Turčilo, neosnovano etiketiraju, da im se pokušava uništiti reputacija i da se na njihov račun iznose neistine.

Prof. dr. Turčilo, kao šefica Odsjeka, u značajnoj je mjeri unaprijedila sve aspekte rada sa studentima, povezanost Odsjeka sa tržištem rada, naučnu produkciju Odsjeka, te kontinuirano radila na promociji kako Odsjeka, tako i Fakulteta. Riječ je o nastavniku koji je godinama među najbolje ocijenjenim od strane studenata, istraživaču sa više od 120 citata na Google Scholaru, osobi zavidne reputacije u domaćim i međunarodnim intelektualnim krugovima i javnosti. U tom kontekstu, menadžment Fakulteta političkih nauka Univerziteta u Sarajevu u potpunosti stoji iza prof. dr. Turčilo i Odsjeka za komunikologiju u njihovim nastavnim i naučnim naporima.

Ukoliko za tim bude potrebe, kao menadžment Fakulteta razmotrit ćemo i opcije pravne i svake druge zaštite ne samo Odsjeka Komunikologija/Žurnalistika, nego i svih naših nastavnika i saradnika. Kao institucija koja baštini i zagovara pune akademske slobode i nezavisnost nećemo dopustiti da naši nastavnici i saradnici budu ugroženi zbog svog naučnog djelovanja, nastavnog rada i/ili javnog istupanja.

**DEKAN**

Prof. dr. Sead Turčalo

